



ქობულეთის მუნიციპალიტეტის საკრებულო

გ ა ნ კ ა რ გ უ ლ ე ბ ა №-84

2010 წლის 3 სექტემბერი

ქ. ქობულეთი

ქობულეთის მუნიციპალიტეტის გამგეობის 2009 წლის 22 მაისის №-164 ბრძანებით „არასამეწარმეო (არაკომერციული) იურიდიული პირის - „ქობულეთის მუნიციპალიტეტის სოფელ გვარას საბავშვო ბაღი“-ს დაფუძნების შესახებ“ დამტკიცებულ წესდებაში ცვლილების შეტანის თაობაზე

2010 წლის ადგილობრივი თვითმმართველობის წარმომადგენლობითი ორგანოების არჩევნების შედეგების ოფიციალურად გამოცხადების დღიდან ამოქმედებულ იქნა „ადგილობრივი თვითმმართველობის შესახებ“ საქართველოს ორგანულ კანონში შეტანილი ცვლილებები. ზოგადი ადმინისტრაციული კოდექსის 63-ე მუხლის შესაბამისად:

1. შეტანილ იქნას ცვლილება ქობულეთის მუნიციპალიტეტის გამგეობის 2009 წლის 22 მაისის №-164 ბრძანებით „არასამეწარმეო (არაკომერციული) იურიდიული პირის - „ქობულეთის მუნიციპალიტეტის სოფელ გვარას საბავშვო ბაღი“-ს დაფუძნების შესახებ“ დამტკიცებულ წესდებაში და ჩამოყალიბდეს თანახმად დანართისა.

2. კონტროლი განკარგულების შესრულებაზე დაევალოს ქობულეთის მუნიციპალიტეტის საკრებულოს თავმჯდომარის მოადგილეს (ე. ბაგრატიონი).

3. განკარგულება შეიძლება გასაჩივრდეს ერთი თვის ვადაში ბათუმის საქალაქო სასამართლოში (მის: ქ. ბათუმი, ზუბალაშვილის ქ. №-30).

4. განკარგულება ძალაშია ხელმოწერისთანავე.

საკრებულოს თავმჯდომარე

ნ. ბერაძე

**არასამეწარმეო (არაკომერციული) იურიდიული პირის
“ქობულეთის მუნიციპალიტეტის სოფელ გვარას საბავშვო ბაღი”-ს**

წ ე ს დ ე ბ ა

მუხლი I. ზოგადი დებულებანი

1. არასამეწარმეო (არაკომერციული) იურიდიული პირი - ქობულეთის მუნიციპალიტეტის სოფელ გვარას საბავშვო ბაღი არის “ადგილობრივი თვითმმართველობის შესახებ” საქართველოს ორგანული კანონისა და საქართველოს სამოქალაქო კოდექსის საფუძველზე შექმნილი სკოლამდელი სააღზრდელი დაწესებულება (შემდგომში ს/ბაღი).
2. ს/ბაღი აქვს საკუთარი ბალანსი, ანგარიში ბანკში და ხაზინაში, ბეჭედი, შტამპი და სტატუსის შესაბამისი სხვა ატრიბუტები.
3. ს/ბაღი ახორციელებს თავის საქმიანობას საქართველოში მოქმედი კანონმდებლობის, წინამდებარე წესდების და საკუთარი შინაგანაწესის საფუძველზე.
4. საბავშვო ბაღი არის წევრთა მდგომარეობისაგან დამოუკიდებელი იურიდიული პირი და მისი მიზანი არ არის სამეწარმეო საქმიანობის განხორციელება.
5. საბავშვო ბაღი უფლებამოსილია ეწეოდეს დამხმარე ხასიათის სამეწარმეო საქმიანობას, საიდანაც მიღებული მოგება უნდა მოხმარდეს მისი მიზნების რეალიზაციას.
6. საბავშვო ბაღი შექმნილია განუსაზღვრელი ვადით.
7. ს/ბაღის იურიდიული მისამართია: ქობულეთის მუნიციპალიტეტი, სოფელი გვარა.

მუხლი II. მიზანი და ფუნქციები

1. საბავშვო ბაღის მიზნებია:
 - ა/ მოამზადოს ბავშვი სკოლისათვის;
 - ბ/ საფუძველი ჩაუყაროს ეროვნული და ზოგადსაქართველო ღირებულებების მატარებელი თავისუფალი პიროვნების ჩამოყალიბებას;
 - გ/ საფუძველი ჩაუყაროს ბავშვის აზროვნების, ემოციური სამყაროს და ნებისყოფის ფორმირებას;
 - დ/ ხელი შეუწყოს ბავშვის ფიზიკურ, გონებრივ, ზნეობრივ და ესთეტიკურ აღზრდას;
 - ე/ ხელი შეუწყოს ჯანმრთელობის განმტკიცებას;
 - ვ/ ბავშვს ჩაუნერგოს სხვისი აზრისა და საკუთრების პატივისცემა;
 - ზ/ ხელი შეუწყოს ბავშვის შემოქმედებითი შესაძლებლობისა და ინტერესების განვითარებას.
2. საბავშვო ბაღის ფუნქციებია:
 - ა/ ოჯახთან ურთიერთკავშირში იზრუნოს ბავშვის სრულფასოვან განვითარებაზე;
 - ბ/ დაიცვას ბავშვი ნებისმიერი ფსიქოლოგიური და ფიზიკური ზემოქმედებისაგან.
 - გ/ დაიცვას ბავშვის ღირსება.

მუხლი III. საგანმანათლებლო-სააღმზრდელი პროცესის ორგანიზება

1. საბავშვო ბაღის საგანმანათლებლო-სააღმზრდელი პროცესი უზრუნველყოფს შესაბამისი პროგრამების განხორციელებას.
2. საბავშვო ბაღს უფლება აქვს შეიმუშაოს ინდივიდუალური საგანმანათლებლო-სააღმზრდელი პროგრამები.
3. საბავშვო ბაღს უფლება აქვს სტანდარტს ზემოთ სარგებლობისათვის აირჩიოს ალტერნატიული და ვარიანტული პროგრამების შესაბამისი ტექნოლოგიები, ქობულეთის მუნიციპალიტეტის გამგეობის შესაბამის სამსახურებთან შეთანხმებით.
4. საბავშვო ბაღის საგანმანათლებლო – სააღმზრდელი პროცესის ორგანიზაციის ფორმები განისაზღვრება შინაგანაწესით.
5. საბავშვო ბაღში ჩარიცხვის საფუძველია:

- ა. დაბადების მოწმობა (დედანი);
 - ბ. ცნობა ჯანმრთელობის შესახებ;
 - გ. ბავშვის მშობლის (კანონიერი წარმომადგენლის) განცხადება.
6. საბავშვო ბაღში ჩარიცხვა წარმოებს დირექტორის ინდივიდუალური, ადმინისტრაციულ-სამართლებრივი აქტის – ბრძანების საფუძველზე;
7. საბავშვო ბაღში ჩარიცხვაზე უარი უნდა იყოს დასაბუთებული წერილობითი ფორმით.
 8. დირექტორი ვალდებულია აღსაზრდელის დაწესებულებაში მიღებამდე მის მშობელს (კანონიერ წარმომადგენელს) გააცნოს დაწესებულების შინაგანაწესი.
 9. საგანმანათლებლო-საადმინისტრაციული პროცესის მონაწილენი არიან:
 - ბავშვები ----- აღმზრდელები ----- მშობლები
 10. საბავშვო ბაღის აღსაზრდელის მშობელს (კანონიერ წარმომადგენელს) უფლება აქვს:
 - მონაწილეობა მიიღოს დაწესებულების მართვაში, სამეურვეო საბჭოში არჩევის გზით.
 - მოითხოვოს ინფორმაცია საგანმანათლებლო-საადმინისტრაციული პროცესის მსვლელობის შესახებ და/ან მიიღოს მონაწილეობა მასში.
 11. მშობელი (კანონიერ წარმომადგენელი) ვალდებულია პატივი სცეს საბავშვო ბაღის კოლექტივის შრომას და ითანამშრომლოს მასთან აღსაზრდელის ინტერესებიდან გამომდინარე.
 12. საბავშვო ბაღის აღზრდელს უფლება აქვს:
 - მონაწილეობა მიიღოს დაწესებულების მართვაში სამეურვეო საბჭოში არჩევის გზით.
 - აიმაღლოს კვალიფიკაცია;
 - სამსახურებრივი მოვალეობის შესრულებისათვის ხელმძღვანელობისაგან მოითხოვოს შესაბამისი პირობების შექმნა.
 13. აღმზრდელი ვალდებულია:
 - დაიცვას წესდებითა და შინაგანაწესით განსაზღვრული მოთხოვნები;
 - უზრუნველყოს ბავშვის ინტერესების დაცვა მშობლებთან და მედპერსონალთან უშუალო კავშირში;
 - დაიცვას კოლეგიალობის პრინციპი და ეთიკის ნორმები;
 14. აღსაზრდელის უფლებებს იცავს “საერთაშორისო” და საქართველოში მოქმედი კანონმდებლობა.
 15. საბავშვო ბაღში საადმინისტრაციული ჯგუფების დაკომპლექტება ხდება ასაკის მიხედვით:
 - ა/ უმცროსი ჯგუფი – 3 წლამდე ასაკის;
 - ბ/ საშუალო ჯგუფი – 4 წლამდე ასაკის;
 - გ/ უფროსი ჯგუფი – 5 წლამდე ასაკის;
 16. საბავშვო ბაღის საადმინისტრაციული ჯგუფებში ბავშვთა მაქსიმალური რაოდენობა განსაზღვრულია არა უმეტეს:
 - ა/ უმცროსი ჯგუფი – 30 აღსაზრდელი;
 - ბ/ საშუალო ჯგუფი – 30 აღსაზრდელი;
 - გ/ უფროსი ჯგუფი – 30 აღსაზრდელი;
 17. 3 წლამდე ასაკის აღსაზრდელის მიღება შეიძლება დაწესებულების სტანდარტებთან შესაბამისობის გათვალისწინებით, მშობელთა მოთხოვნისა და ქობულეთის მუნიციპალიტეტის გამგეობის შესაბამის სამსახურებთან შეთანხმების საფუძველზე. ამ შემთხვევაში აღსაზრდელთა მაქსიმალური რაოდენობა განისაზღვრება 20 ბავშვით.

მუხლი IV. საბავშვო ბაღის სტრუქტურა და მართვა

1. საბავშვო ბაღის სტრუქტურული ერთეულებია:
 - ა/ ადმინისტრაცია;
 - ბ/ სამეურვეო საბჭო;
 - გ/ პედაგოგიური საბჭო.
2. საბავშვო ბაღს მართავს დირექტორი, პედაგოგიურ და სამეურვეო საბჭოსთან შეთანხმებით.
3. საბავშვო ბაღის საქმიანობას წარმართავს დირექტორი, რომელსაც თანამდებობაზე ნიშნავს და ათავისუფლებს მუნიციპალიტეტის საკრებულოს თავმჯდომარე.
4. დირექტორად შეიძლება დაინიშნოს საქართველოს მოქალაქე, რომელსაც აქვს უმაღლესი განათლება, სპეციალობით მუშაობის არანაკლებ 5 წლის სტაჟი, ორგანიზაციული საქმიანობის უნარ-ჩვევები და არ მიუღწევია 65 წლის ასაკისათვის.

4. დირექტორი:

ა/ სამეურვეო საბჭოსთან შეთანხმების საფუძველზე ამტკიცებს შინაგანაწესს და მშობელთა მოთხოვნების გათვალისწინებით შედგენილ სტანდარტს ზევით დამატებითი მომსახურების ნუსხას.

ბ/ დაწესებულების დირექტორი წარმოადგენს საბავშვო ბაღს ნებისმიერ სამართლებრივ ურთიერთობებში, გასცემს მინდობილობებს, აფორმებს ხელშეკრულებებს საბავშვო ბაღის კომპეტენციის ფარგლებში, გამოსცემს ინდივიდუალურ, ადმინისტრაციულ-სამართლებრივ აქტებს;

გ/ მოქმედი კანონმდებლობის შესაბამისად განკარგავს საბავშვო ბაღის ქონებას და სახსრებს;

დ/ უზრუნველყოფს სამეურვეო საბჭოსთან შეთანხმებით საბავშვო ბაღის ბიუჯეტის შემუშავებას;

ე/ ქობულეთის მუნიციპალიტეტის საკრებულოს შესათანხმებლად წარუდგენს საბავშვო ბაღის ბიუჯეტს;

ვ/ უზრუნველყოფს კადრების სწორ შერჩევას და კანონის შესაბამისად შრომითი ურთიერთობების რეგულირებას;

ზ/ შეიმუშავებს და ამტკიცებს სამეურვეო საბჭოსთან შეთანხმებით საბავშვო ბაღის შინაგანაწესს;

თ/ შეიმუშავებს წლიურ ანგარიშს საბავშვო ბაღის საფინანსო საქმიანობისა და საგანმანათლებლო-სააღმზრდელო პროცესის მიმდინარეობის შესახებ.

ი/ ქობულეთის მუნიციპალიტეტის საკრებულოს წარუდგენს წინადადებებს საბავშვო ბაღის წესდებაში ცვლილებებისა და დამატებების შეტანის შესახებ, რომელსაც წინასწარ ათანხმებს სამეურვეო საბჭოსთან.

კ/ საბავშვო ბაღის დირექტორის და საბავშვო ბაღის თანამშრომელთა თანამდებობრივი სარგოს ამტკიცებს ბაღის დირექტორი მუნიციპალიტეტის საკრებულოსთან შეთანხმებით.

ლ/ დირექტორის ურთიერთობები თანამშრომლებთან და მშობლებთან (კანონიერ წარმომადგენლებთან) რეგულირდება მოქმედი კანონმდებლობითა და წინამდებარე წესდებით ორმხრივი ხელშეკრულების საფუძველზე.

მ/ დირექტორი პირადად არის პასუხისმგებელი საბავშვო ბაღში არსებული ქონებისა და სახსრების განკარგვაზე.

ნ/ პასუხისმგებელია ბავშვთა უფლებების დაცვაზე, საყოფაცხოვრებო პირობების, ხარისხიანი კვების და შესაბამისი რეჟიმის უზრუნველყოფაზე.

ო/ საბავშვო ბაღის დირექტორს უფლება აქვს, არასაბიუჯეტო შემოსავლების არსებობის შემთხვევაში სამეურვეო საბჭოსთან შეთანხმებით, შეხედულებისამებრ გამოიყენოს სახსრები საბავშვო ბაღის ინტერესების შესაბამისად.

პ/ დირექტორი ანგარიშვალდებულია – მშობლების, სამეურვეო საბჭოსა და ქობულეთის მუნიციპალიტეტის საკრებულოს წინაშე.

ჟ/ დირექტორი წესდებით განსაზღვრული მიზნებისა და ამოცანების მისაღწევად უფლებამოსილია განახორციელოს სხვა ქმედებები.

5. საგანმანათლებლო-სააღმზრდელო პროცესის მეთოდურ მხარეს ხელმძღვანელობს უფროსი აღმზრდელი (მეთოდისტი), რომელიც ცვლის დირექტორს მისი არყოფნის შემთხვევაში. უფროსი აღმზრდელი (მეთოდისტი) ანგარიშვალდებულია დირექტორის წინაშე.

6. საბავშვო ბაღის თანამშრომლები თანამდებობებზე ინიშნებიან და თავისუფლდებიან საბავშვო ბაღის დირექტორის მიერ, ქობულეთის მუნიციპალიტეტის საკრებულოს თავმჯდომარესთან შეთანხმებით.

მუხლი V. პედაგოგიური საბჭო

1. საბავშვო ბაღის პედაგოგიური საბჭო (შემდგომში პედსაბჭო) არის დაწესებულების საგანმანათლებლო-სააღმზრდელო პროცესის მართვის მუდმივმოქმედი კოლექტიური ორგანო, რომელსაც ხელმძღვანელობს უფროსი აღმზრდელი (მეთოდისტი). პედსაბჭოს შემადგენლობაში შედის ყველა აღმზრდელი თანაბარი ხმის უფლებით.

2. პელსაბჭო იკრიბება მინიმუმ ერთჯერ სამ თვეში და უფლებამოსილია თუ სახეზეა არანაკლებ მთელი შემადგენლობის ორი მესამედი.

3. პ/საბჭოს პრიორიტეტებია: შემოქმედებითი ძიების, საუკეთესო ნოვაციების, საავტორო (აღტერნატიული) პროგრამების და საცდელი მასალების განხილვა-დანერგვა. წინადადებების შემუშავება დაწესებულების საგანმანათლებლო-სააღმზრდელო საკითხებზე. იგი განიხილავს ს/ბაღში არსებულ მდგომარეობას და აფასებს მას, შეიმუშავებს რეკომენდაციებსა და დასკვნებს.

მუხლი VI. სამეურვეო საბჭო

1. საბავშვო ბაღში მატერიალური და ფინანსური სახსრების მოზიდვის, დირექტორის მიერ ხარჯვისა და ქონების განკარგვის კონტროლისა და საგანმანათლებლო-სააღმზრდელო პროცესის სწორად წარმართვის მიზნით იქმნება სამეურვეო საბჭო.

2. საბავშვო ბაღის სამეურვეო საბჭო შედგება 7 წევრისაგან, რომელთაც ირჩევენ მშობელთა და აღმზრდელთა შემადგენლობიდან 2 წლის ვადით. ს/საბჭო თავის შემადგენლობიდან ირჩევს თავმჯდომარეს და მოადგილეს. იგი იკრიბება მინიმუმ თვეში ერთჯერ. სხდომას იწვევს და უძღვება საბჭოს თავმჯდომარე;

3. სამეურვეო საბჭო უფლებამოსილია მიიღოს გადაწყვეტილება თუ მის სხდომას ესწრება ნახევარზე მეტი;

4. სამეურვეო საბჭოს გადაწყვეტილება მიღებულად ითვლება თუ მას მხარს დაუჭერს დამსწრე წევრთა ნახევარზე მეტი;

5. სამეურვეო საბჭოს სხდომის დღის წესრიგი, სხდომაზე დამსწრეთა ვინაობა, კემტრისერის შედეგი და მიღებული გადაწყვეტილება ფორმდება საბჭოს სხდომის ოქმით, რომელსაც ხელს აწერს სამეურვეო საბჭოს თავმჯდომარე და მდივანი;

6. სამეურვეო საბჭოს წევრის უფლებამოსილების ვადად შეწყვეტის შემთხვევაში მის ადგილს იტყერს არჩევნებში მონაწილე ნაკლები ხმების მქონე კანდიდატი. ასეთის არარსებობის შემთხვევაში წევრის არჩევა ხდება შესაბამისად მშობელთა საერთო კრებაზე ან პედაგოგიური საბჭოს მიერ.

7. სამეურვეო საბჭოს პირველი არჩევნების ჩატარების წესსა და დროს ბრძანებით განსაზღვრავს საბავშვო ბაღის დირექტორი;

8. სამეურვეო საბჭოს შემდგომი არჩევნების ჩატარების წესი, მისი წევრის უფლებამოსილება და სხვა საკითხები, რომლებიც არ არის დარეგულირებული წინამდებარე წესდებით განისაზღვრება საბავშვო ბაღის შინაგანაწესით.

9. სამეურვეო საბჭო:

ა/ საბავშვო ბაღის ფინანსური საქმიანობის გაკონტროლების მიზნით გამოითხოვს დოკუმენტაციას, მოისმენს ინფორმაციას დაგეგმილი ფინანსური ღონისძიებების შესახებ, გასცემს თანხმობას ქონების განკარგვასთან დაკავშირებული ქმედებების განხორციელებაზე, თუ ღირებულება აღემატება ს/ბაღის ფინანსური სახსრების 10%-ს.

ბ/ საბავშვო ბაღის დირექტორის წარდგინებით ამტკიცებს საბავშვო ბაღის შინაგანაწესს;

გ/ განიხილავს საჩივრებს და იღებს შესაბამის ზომებს;

დ/ მის კომპეტენციაში შემავალ საკითხებზე ქმნის სამუშაო ჯგუფებს, რომლებიც ასრულებენ დაგალებებს და ანგარიშვალდებულნი არიან მის წინაშე;

ე/ ადგენს მუშაობის რეგლამენტს;

ვ/ განიხილავს დირექტორის მიერ შემუშავებული წლიური საბავშვო ბაღის სამუშაო გეგმას;

ზ/ ისმენს დირექტორის ანგარიშს სააღმზრდელო-საგანმანათლებლო პროგრამების განხორციელებასთან დაკავშირებით;

თ/ დირექტორის მიერ სააღმზრდელო საქმიანობისათვის შეუფერებელი ან საბავშვო ბაღის ინტერესების საზიანო ქმედების ჩადენისა და კანონმდებლობით გათვალისწინებულ სხვა შემთხვევებში უფლებამოსილია სიითი შემადგენლობის ნახევარზე მეტის ინიციატივით იშუამდგომლოს მუნიციპალიტეტის საკრებულოს წინაშე დირექტორისათვის უფლებამოსილების ვადად შეწყვეტის თაობაზე.

- ი/ ახორციელებს არასაბიუჯეტო სახსრების მოზიდვას და მათ განკარგვაზე კონტროლს;
- კ/ ზრუნავს მატერიალურ-ტექნიკური ბაზის გაუმჯობესებაზე;
- ლ/ შეიმუშავებს საგანმანათლებლო-სააღმზრდელო ნოვაციებს და წარადგენს განსახილველად მისი შემდგომი რეალიზაციის მიზნით;
- მ/ სამეურვეო საბჭოს უფლება აქვს მოითხოვოს შესაბამისი კომისია აღმზრდელის კვალიფიკაციის გასარკვევად და უარყოფითი დასკვნის შემთხვევაში, პედაგოგთან ვადამდე შეწყვიტოს შრომითი ურთიერთობა;
- ნ/ ასრულებს წინამდებარე წესდებით, საბავშვო ბაღის შინაგანაწესით და მოქმედი კანონმდებლობით დადგენილ სხვა ფუნქციებს.

მუხლი VII. საბავშვო ბაღის აღმზრდელი და ტექნიკური პერსონალი

1. საბავშვო ბაღის აღმზრდელს უნდა გააჩნდეს უმაღლესი ან/და ტექნიკური შესაბამისი განათლება.
2. ტექნიკურ პერსონალს წარმოადგენს საბავშვო ბაღის საშტატო განრიგით განსაზღვრული მუშაკები, რომელთა საქმიანობა დაკავშირებულია საბავშვო ბაღის ფუნქციონირებისათვის ტექნიკურ უზრუნველყოფას.
3. საბავშვო ბაღის აღმზრდელის, ტექნიკური პერსონალის უფლება-მოვალეობანი განისაზღვრება საბავშვო ბაღის შინაგანაწესით.

მუხლი VIII. საბავშვო ბაღის ქონება, დაფინანსება, ანგარიშგება

1. საბავშვო ბაღის ქონებას წარმოადგენს მისი საქმიანობის შედეგად შექმნილი ქონება ან/და კანონმდებლობით დადგენილი წესით საკუთრებაში გადაცემული ქონება.
2. საბავშვო ბაღს საჭიროების შემთხვევაში წინამდებარე წესდებით განსაზღვრული მიზნების მისაღწევად ქობულეთის მუნიციპალიტეტის ან/და სხვა დაწესებულების (ფიზიკური, იურიდიული პირის) მიერ გადაეცემა ქონება საკუთრებაში ან/და სარგებლობაში კანონმდებლობით დადგენილი წესით.
3. საბავშვო ბაღის ფინანსურ წყაროს წარმოადგენს:
 - ა/ ადგილობრივი ბიუჯეტი და საბავშვო ბაღში სწავლებისათვის წილობრივი შემონატანი, რომლის განაკვეთი განისაზღვრება შინაგანაწესით, რომელიც შეთანხმებული უნდა იყოს მუნიციპალიტეტის საკრებულოსთან.
 - ბ/ საქართველოს კანონმდებლობით ნებადართული სხვა შემოსავლები;
 - გ/ საბავშვო ბაღი უფლებამოსილია ეწოდეს დამხმარე ხასიათის სამეწარმეო საქმიანობას, მიღებული მოგება უნდა მოხმარდეს საბავშვო ბაღის მიზნების რეალიზაციას.
 - დ/ საბავშვო ბაღს უფლება აქვს დააწესოს გადასახადი სტანდარტს ზევით გაწეულ მომსახურებაზე, რომელსაც განსაზღვრავს შინაგანაწესით;
 - ე/ საბავშვო ბაღი ვალდებულია კანონმდებლობით დადგენილი წესით აწარმოოს საფინანსო საქმიანობის აღრიცხვა-ანგარიშგება, შეადგინოს ბალანსი და წარადგინოს მუნიციპალიტეტის გამგეობის საფინანსო სამსახურში.
 - ვ/ საბავშვო ბაღის ფინანსურ ოპერაციებს ახორციელებს ბუღალტერი, რომელიც ანგარიშგაღებულია დირექტორის წინაშე;
 - ზ/ საბავშვო ბაღის წლიურ ხარჯთაღრიცხვას, საშტატო განრიგსა და თანამდებობრივ სარგოს განსაზღვრავს დირექტორი მუნიციპალიტეტის საკრებულოსთან შეთანხმებით.

მუხლი IX. საქმიანობა, რომელიც საჭიროებს მუნიციპალიტეტის საკრებულოს თანხმობას

1. საბავშვო ბაღის ბიუჯეტს დირექტორი წარუდგენს შესათანხმებლად მუნიციპალიტეტის საკრებულოს.
2. მუნიციპალიტეტის საკრებულო საბავშვო ბაღის ბიუჯეტს ითანხმებს მხოლოდ ადგილობრივი ბიუჯეტიდან გამოყოფილ ასიგნებათა ფარგლებში.

3. საბავშვო ბაღი უფლებამოსილია მუნიციპალიტეტის საკრებულოს თანხმობით განახორციელოს შემდეგი ქმედებები.

ა/ ადგილობრივი ბიუჯეტის დაფინანსების ფარგლებში საბავშვო ბაღის საშტატო განრიგისა და ხელფასის ფონდის განსაზღვრა.

ბ/ ადგილობრივი ბიუჯეტის დაფინანსების ფარგლებში საბავშვო ბაღის მისაღები კონტიგენტის ფასიანი შემონატანის განსაზღვრა.

გ/ საბავშვო ბაღის საკუთრებაში ან/და სარგებლობაში არსებული ქონების მოქმედი კანონმდებლობით განსაზღვრული ფორმით განკარგვა.

3. მუნიციპალიტეტის საკრებულოს უარი IX-ე მუხლის მე-3 პუნქტით განსაზღვრული ქმედებების განხორციელებაზე უნდა იყოს დასაბუთებული.

მუხლი X. კონტროლი

1. საბავშვო ბაღის საქმიანობაზე კონტროლს საქართველოში მოქმედი კანონმდებლობის შესაბამისად ახორციელებს ქობულეთის მუნიციპალიტეტის საკრებულო.

2. საბავშვო ბაღის საადმინისტრაციო-საგანმანათლებლო საქმიანობაზე კოორდინაციას ახორციელებს ქობულეთის მუნიციპალიტეტის გამგეობის შესაბამისი სამსახური.

3. საბავშვო ბაღის საქმიანობის შეჩერება ან/და აკრძალვა ხორციელდება მოქმედი კანონმდებლობით განსაზღვრულ შემთხვევებში დადგენილი წესით.

მუხლი XI. ზიანის ანაზღაურება

1. საბავშვო ბაღი პასუხს აგებს იმ ზიანისათვის, რომელიც მიადგა მესამე პირებს დირექტორზე დაკისრებული მოვალეობის შესრულებისას ისეთი მოქმედების გამო რომელიც იწვევს ზიანის ანაზღაურების ვალდებულებას.

2. საბავშვო ბაღის პასუხისმგებლობა შემოიფარგლება მისი ქონებით.

მუხლი XII. საბავშვო ბაღის წესდებაში ცვლილების ან/და დამატების შეტანა

საბავშვო ბაღის წესდებაში ცვლილებისა ან/და დამატების შეტანა ხორციელდება კანონმდებლობით დადგენილი წესით ქობულეთის მუნიციპალიტეტის საკრებულოს განკარგულების საფუძველზე.

მუხლი XIII. საბავშვო ბაღის რეორგანიზაცია და ლიკვიდაცია

საბავშვო ბაღის რეორგანიზაცია ან/და ლიკვიდაცია ხორციელდება კანონმდებლობით დადგენილი წესით ქობულეთის მუნიციპალიტეტის საკრებულოს განკარგულების საფუძველზე.

საბავშვო ბაღის შინაგანაწესი

დაწესებულების შინაგანაწესით დაწვრილებით უნდა აისახოს დაწესებულების მიერ არჩეული საგნმანათლებლო პროგრამისა და შესაბამისი მეთოდოლოგიური ტექნოლოგიების ანოტაცია (მოკლე მიმოხილვა), დაწესებულებაში აღსაზრდელთა მიღებისა და მათი მოძრაობის პირობები, დღის რეჟიმი, კვების ჯერადობა, სტანდარტს ზევით და დამატებითი მომსახურებისათვის საფასურის ოდენობა.

